

Nihánj me 'o yanj cartá qui'yaj síí cu'naj Pedró ca'néé so' rihaan nij yuvii noco' man Diose a

¹ 'Unj ro', me síí cu'naj Pedró, né apóstol cune' Jesucristó ca'anj natq' rihaan yuvii che'é so' mej a. Né qui'yáá 'unj yanj nihánj ca'nej 'unj rihaan soj sij narii Diose man canoco' man so' sij cha'nuu ca'anj estadó Ponto dō, estadó Galacia dō, estadó Capadocia dō, estadó Asia dō, estadó Bitinia dō, che'é sayuun quiran' soj a. ² Asij naá quene'en Rej ní' Diose se vaa canoco' soj man so', né che'é dan quinarii so' man soj, gaa né guun che'ē soj canoco' soj man orún' Diose, qui'yaj Nimán Diose, che'é se me rá so' cuno soj rihaan so', né me rá so' cunuú sa' nimán soj qui'yaj ton man Jesucristó ton cayanj man so' gaa cavi' so' che'é ní' a.

Me rá 'unj qui'yaj ndo'o Diose se luj che'é soj, né gaa xej ndo'o nimán soj qui'yaj Diose a.

Nana nihánj taj xna'anj se vaa na'vij ní' güii cayáán ní' rihaan Diose a

³ Cunaj uxrá vaa Diose Rej Jesucristó sij 'nij ra'a man ní', cataj ní' á. Dan me se cunuu 'ee uxrá rá so' ni'yaj so' man ní', né che'é dan naqui'yaj i'na' so' man Jesucristó, né che'é se cunuu i'na' uún Jesucristó ro', che'é dan guun ta'nij Diose man ní', né che'é se ta'nij Diose me ní', che'é dan guun niha' rá ní' né na'vij ní' quisij güii cayáán ní' rihaan

Diose nu' cavii nu' ca'anj ei. ⁴ Né dan me se vaa se sa' nicaj Diose rque Diose man soj asa' nucui' soj rihaan so', né daj chihqá míj se quiri' se sa' yo', né yo'o gaa sa' yo' nu' cavii nu' ca'anj nānj adonj. ⁵ Nucuaj ndo'o Diose, né che'é se amán rá soj ni'yaj soj man Jesucristó, che'é dan tumé Diose man soj, che'é rej ca'vee cavii sa' soj asa' quisíj güii ca'anj ni'yä chumij nihánj né quene'en ní' nu' se vaa qui'yaj so' che'é ní' ei.

⁶ Che'é dan guun nihä' uxrá rá soj nānj á. Dan me se nda' se cuano nanó rá soj che'é sayuun 'na' rihaan soj doj güii nānj rihaan chumij nihánj cuano, tzaj ne aj guun nihä' ndo'o rá soj, che'é se ne'en soj se vaa cavii sa' soj vaa güii, qui'yaj Diose chuguanj. ⁷ Dan me se ne'en soj se vaa aga' oró míí me se se mān uun rihaan chumij nihánj me yo', né vaa güii ca'anj ni'yä yo' gä chumij nihánj, tzaj né axrij ya'an nii man aga' oró míí yo', che'é rej me rá nii xcäj nii cuentá sese aga' sa' me yo' ni', ase aga' nij me yo' a. Né ase vaa ya'an rihaan aga' oró míí yo' ro', danj vaa sayuun rihaan soj, né che'é sayuun ran' soj ro', che'é dan acaj ní' cuentá sese ya ya amán rá soj ni'yaj soj man Diose ni', ase 'yaj ma'än soj a. Tzaj né sa' doj vaa soj rihaan aga' oró míí yo', né daj chihqá míj se ca'anj ni'yä soj, sese amán ya rá soj ni'yaj soj man Diose mei. Dan me se uxrá cavii sa' Diose, qui'yaj soj, né uxrá ca'mij sa' yuvij che'é Diose, asa' ca'na' uún Jesucristó rihaan chumij nihánj chuguanj.

⁸ Né Jesucristó me se nda' se ne quene'en rihaan soj man so', tzaj né amán rá soj ni'yaj soj man so', né ne ne'en xa' rihaan soj man so' nihánj cuano,

tzaj né che'é se cuchumán ya rá soj ni'yaj soj man so' ro', che'é dan guun nihá' uxrá rá soj che'é se aj ne'en soj se vaa cavii sa' uxrá soj adonj. ⁹ Né che'é se amán rá soj ni'yaj soj man Diose ro', che'é dan cavii sa' nimán soj rihaan so' ei.

¹⁰ Dan me se nij síí nata' se-naná Diose gaa naá ro', nata' nij so' che'é se luj qui'yaj Diose che'é soj, né guun ndo'o rá nij so' xcaj nij so' cuentá daj gaa cavii sa' yuvii qui'yaj Diose, né naqui'yaj cuu nij so' cúú yave nij so' che'é nu' nij rasuun sa' chuguanj. ¹¹ Dan me se naqui'yaj cuu uxrá ya nij so' aman ca'na' síí ca'nej Diose rihaan chumij a. 'Q se nicaj yu'unj Nimán Jesucristó man nij so', né ma'an Nimán Jesucristó cataj xna'anj rihaan nij so' daj quiran' ma'an Jesucristó asa' ca'na' so' do', che'é suun sa' cäta so' asa' quisíj quiran' so' sayuun do' a. ¹² Dan me se cataj xna'anj Diose rihaan nij so' se vaa nuveé ma'an nij so' me nij síí quene'en ca'na' síí ca'nej Diose ma'. Tananj nu' nij soj me nij síí quene'en man síí ca'nej Diose, asa' ca'na' so', taj Diose rihaan nij síí nata' se-naná Diose gaa naá yo' a. Né nihánj me se nij síí nata' se-naná Diose naná sa' yo' yaj ro', ca'néé Diose Nimán Diose rihaan nij so', né aj nata' nij so' nu' se vaa qui'yaj Jesucristó síí ca'néé Diose rihaan chumij nihánj cuno soj a. Né ndaq nij se-mozó Diose síí yanj xtä' me rá quene'en daj gaa cavii sa' ní' qui'yaj Jesucristó ei.

*Naná nihánj taj xna'anj se vaa nacúún Diose man
ní' guun ní' síí sa' inanj rihaan so' a*

¹³ Che'é dan 'o ca'nej nimán soj qui'yaj soj ndaq vaa me rá Diose ei. Gaa chij rá soj ga tuvi' soj, né

yo'ó gaa nucuaj rá soj man Diose se vaa qui'yaj ndo'o so' se luj che'é soj asa' ca'na' uún Jesucristó rihaan chumij nihánj ei. ¹⁴ Dan me se guun soj síí uno sa' rihaan Diose ei. Gaa naá me se ne quene'en soj daj vaa Diose, né inanj guun rá soj qui'yaj soj se nij, tzaj né yaj me se se guun qui'yaj uún soj danj mei. ¹⁵ Tananj che'é se síí sa' inanj me Diose síí nacúún man soj canoco' soj, che'é dan ma'an soj ro', no xcúún guun síí sa' ei. ¹⁶ Che'é dan no naná nihánj rihaan danj Diose a: "Síí sa' inanj mé 'unj, né che'é dan guun soj síí sa' inanj uún á", taj Diose rihaan nij síí canoco' man so' gaa naá a.

¹⁷ Diose ro', me síí nicá inanj a'ne' cacun' che'é 'o 'o ní' ndaqá vaa 'yaj 'o 'o ní', né che'é se: "Ataj chij", taj soj rihaan Diose gaa achiín ni'yaj soj rihaan so' ro', che'é dan 'o caraq cochroj soj rihaan so' doj nij güii cayáán soj rihaan yo'óó nihánj á. ¹⁸ Aj ne'en soj daj qui'yaj Diose gaa tinanii so' man soj rihaan tucuáán nij rma'an canoco' nij xii soj síí cumán gaa naá, né nuveé sa'anj me se go' Diose gaa tinanii so' man soj ma'. Sa'anj me se se navij uun me yo' ei. ¹⁹ Tzaj né ca'néé Diose man Jesucristó cavi' ya so' cayanj ton man so' che'é ní', né ase vaa avi' matzinj le'ej sa' inanj 'yaj nij síí israelitá che'é cacun' tumé nij so' ro', danj vaa cavi' Jesucristó che'é ní', né so' me se vaa yu'vee ndo'o nó so' che'é se taj cacun' tumé so' man chuguanj. ²⁰ Dan me se asij ataa qui'yaj Diose chumij, né aj ne'en Diose se vaa cavi' Jesucristó che'é ní', né cuano gaa nichrun' quinavij chumij nihánj me se curuvi' Jesucristó rihaan chumij nihánj che'é ma'an nij soj ei. ²¹ Né che'é se vaa qui'yaj Jesucristó che'é

soj ro', che'é dan amán rá soj ni'yaj soj man Diose síí naqui'yaj i'ná' man Jesucristó, né cune' Diose man so' se vaa guun chij so' a. Né che'é se dānj qui'yaj Diose ro', che'é dan amán rá soj ni'yaj soj man Diose, né na'vij soj quisij güii cavii sa' ndo'o soj qui'yaj so' a.

²² Dan me se uno soj se-naná Diose nana ya, né che'é dan cunuu sa' nimán soj, né che'é dan nō xcúún soj gaa 'ee rá soj man tuvi' soj adonj. Sē cataj rma'ān soj se vaa 'ee rá soj man tuvi' soj ma'. Ya gaa 'ee ndo'o rá soj man tuvi' soj ei. ²³ 'O se cunuu i'ná' nimán soj, qui'yaj se-naná Diose, né nuveé se caví' me se-naná Diose ma'. Tananj ase vaa 'o rasuun vaa i'ná' vaa se-naná Diose, né daj chihaa míj sē ca'anj ni'ya yo' mei. ²⁴ Che'é dan nō naná nihánj rihaan dānj Diose a: "Ase vaa coj chrin' mān tacaan ro', dānj vaa taran' ní', né ase vaa yāj taj raq coj ro', dānj vaa suun sa' 'yaj ní' a. Daj se vaa nacoo coj né navij yāj ayuu ro', dānj vaa ní' navij ní' a. ²⁵ Tzaj né daj chihqá míj sē navij se-naná síí 'nij ra'a man ní' ma". Dānj taj nana nō rihaan dānj Diose, né se-naná Diose yo' me nana sa' nata' nūj rihaan soj adonj.

2

¹ Che'é dan ca'ne' rá soj ga suun noco' tucuáán chi'ii ei. Sē nachri' soj ni'yaj soj nu' tuvi' soj mei. Sē tiha' yu'unj soj man tuvi' soj mei. 'O ndaa taj soj ro', veé dānj qui'yaj guéé soj ei. Sē guun xcoj ruváa rá soj ni'yaj soj tuvi' soj mei. Sē nanó soj cuentó né che'é tuvi' soj ma'. ² Ase vaa me ndo'o rá leé nō cutzii leé nō too ro', dānj guun ndo'o rá soj tucu'yón soj se-naná Diose nana ya, né ase vaa

racuij too man leé no achij leé no ro', dānj gaa
racuij se-nanq Diose man soj cunuu sca' nimán soj
chuguānj. Dan, gaa ne cavii sa' ndo'o soj, qui'yaj
Diose ei. ³ 'Q se aj ne'en soj se vaa ve'ē ndo'o 'yaj
síi 'nij ra'a man ní' che'ē ní' adonj.

*Nanq nihánj taj xna'anj se vaa ase vaa yuvej sa'
vaa Jesucristó a*

⁴ Ca'nq' soj rihaan Jesucristó ei. Ase vaa 'o yuvej
xij sa' uchruij nii asino yaqan tacoo ve' gaa nachráj
nii ve' ro', dānj vaa so', tzaj ne nij síi mān rihaan
chumij nihánj me se nachri' nij so' ni'yaj nij so'
yuvej yo', tzaj ne síi sa' ndo'o narii Diose me so'
nanj adonj. ⁵ Ne ase vaa nij yuvej le'ej nii nata'
xráá yuvej xij ro', dānj vaa taran' soj, sese canoco'
raan soj man Jesucristó, ne ve'ē cumān rcua'aqan
soj, qui'yaj Jesucristó, gaa ne cunuu sa' nimán soj,
gaa ne ase vaa xrej ro', danj gaa soj rihaan Diose,
ne ase vaa se sa' nago' nij xrej rihaan Diose ro',
dānj gaa se sa' qui'yaj soj che'ē se me soj síi noco'
man Jesucristó, gaa ne caran' rá Diose se vaa 'yaj
soj ei.

⁶ Che'ē dan nó nanq nihánj rihaan danj Diose
a: "Ni'yaj so' ei. Aj cuné 'unj yo'o yuvij chuman'
Jerusalén naj rej cu'naj Sion, ne ase vaa 'o yuvej
vaa so', nucuaj ndo'o so' chuguānj. Sij sa' ndo'o
me so', ne quinarii 'unj man so', ne ase vaa yuvej
xij une' yuvij tacoo ve' ro', dānj gaa so', ne sese
cuchuman rá yo'o so' quene'en so' man síi cuné'
'unj, ne se guun na'aj so' ma'. Tanqanj cavii sa'
ndo'o so' adonj". Dānj cataj Diose, ca'mii so' che'ē
Jesucristó gaa naá a. ⁷ Vaa yu'vee ndo'o nó Jesu-
cristó rihaan soj sij amán rá ni'yaj man so', tzaj ne

xa' nij síí ne amán rá ni'yaj man Jesucristó me se quisij ya ndaq vaa taj nanq nihánj nanq no rihaan danj Diose adonj: "Yuvej quiri'íj nij síí cune' ve' ro', guun yuvej sa' doj rihaan taran' nij yuvej naj tacóó ve' yo' nanj adonj", taj danj Diose a. ⁸ Ne: "Naxru' yuvii, qui'yaj yuvej yo', ne guun na'aj nij yuvii gaa quene'en nij yuvii man so'", taj yo'ó nanq no rihaan danj Diose a. Ne nij síí ne amán rá ni'yaj man Jesucristó me se che'é se ne cuno nij so' se-nanq Diose ro', che'é dan naxru' nij so' ne quiri' nij so' a. Dan me se ca'néé ra'a Diose man nij so' quiran' nij so' danj nanj ei.

Nanq nihánj taj xna'anj se vaa narii Diose man ní' sij nocó' man Jesucristó a

⁹ Xa' soj, tzaj ne sij narii Diose me soj, ne xrej uun chij ya nuu rihaan Diose me soj, ne sij cunuu sa' nimán me soj, ne yuvii man chuman' nocoo sa' ndo'o ya uun chij Diose rihaan me soj, ne che'é se me rá Diose nata' soj che'é se sa' qui'yaj so' ro', che'é dan narii so' man soj ei. Dan me se sij nocó' tucuáán rmi' me soj gaa naá, tzaj ne canacúún Diose man soj xcaj soj cuentá, ne cunaj uxrá vaa se-tucuānj Diose tucuáán nocó' soj cuano ei. ¹⁰ Dan me se gaa naá me se nuveé yuvii 'nij ra'a Diose me soj, ne ne gaa 'ee rá Diose ni'yaj Diose man soj ma'. Tzaj ne yaj me se cunuu 'ee rá so' ni'yaj so' man soj, ne guun soj síí chéé gaa ma'an Diose, ne 'nij ra'a Diose man soj ei.

Nanq nihánj taj xna'anj se vaa qui'yaj suun ní' rihaan Diose á

¹¹ Dan me se 'ee ndo'o raj man soj, ne qui'yaj soj se ndo'o uxrá, ne cuno soj ei. Nuveé chihanj ní'

me chumi^{ij} mān ní' cuano^o, man tinuj^o, man nocoj. Ase vaa 'o síí aran^o me ma'ān rej ro', dānj vaa ní' rihaan chumi^{ij} nihánj cuano^o ei. Che'é dan se^e guun qui'yaj soj rasu^{un} chi'ii me rá nee^e man soj qui'yaj soj ma'. 'O se unu^o se chi'ii yo^o gā nimán ní' adonj. ¹² Nē ve'é inānj qui'yaj soj rej nē soj sca'núj nij síí chi'ii mān rihaan chumi^{ij} nihánj, gāa nē sese guun rá nij so' cuta' nij so' cacun^o rmij^o xráá soj se vaa nij 'yaj soj, gāa nē xcāj nij so' cuentá se vaa ve'é inānj 'yaj soj ei. Gāa nē güii cuchiⁱ Diose^e rihaan nij so' me se cataj nij so' se vaa sa^o uxrá vaa Diose^e chuguanj.

¹³ Che'é se sij^e noco^o man síí 'nij ra'a man ní' me soj ro', che'é dan cuno^o soj rihaan taran^o nij síí nicaj suun ei. Dan me se cuno^o soj rihaan síí nicaj suun nocoo emperador, che'é se sij^e uun chij doj me so' ei. ¹⁴ Nē dan me se cuno^o soj rihaan yo'ó nij síí nicaj suun gobernador noco^o do^o nij uún, che'é se sij^e a'ne' suun síí nicaj suun emperador rihaan me nij so', nē no^e xcúún nij so' qui'yaj nij so' sayuun man nij síí chi'ii do^o, ca'mii^o sa^o nij so' che'é nij síí sa^o do^o chuguanj. ¹⁵ Nē me rá Diose^e qui'yaj ní' se sa^o, gāa nē cunu^u dínj tu'va nij síí ne acaj cuentá síí tu'va rma'ān nana^o nij che'é Jesucristó chuguanj. ¹⁶ Ne'en ní' se vaa sij^e chéé u^{un} me ní', tzaj nē se^e guun cataj ní' se vaa che'é dan me ca'vee qui'yaj ní' me ma'ān se chi'ii ma'. Tanānj guun ní' síí 'yaj suun rihaan Diose^e ei. ¹⁷ Dan me se ve'é ca'mii^o soj gā daj a yuvii, nē gāa 'ee^e rá soj man nu^o nij síí amán rá ni'yaj man Jesucristó, nē cuno^o soj rihaan Diose^e, nē ve'é caraq^o cochroj^o soj rihaan síí nicaj suun emperador ei.

Nana^o nihánj taj xna'anj se vaa ase vaa ca'ne' sa'

*guee rá Jesucristó gaa quiran' so' sayuun ro', dānj
gaa qui'yaj ní'a*

18 Ve'é cuno soj rihaan se-ru'vee soj sij uun mozó á. Nuveé inañj rihaan niж ru'vee sa' ru'vee ni'yānж a'mii cuno soj ma'. Veé dānj cuno uún soj rihaan niж ru'vee niж 'yaj do' uún nānж ei. **19** Nē sese quirān'ta'aj soj sayuun qui'yaj se-ru'vee ta'aj soj ru'vee chi'ii, che'é se mān se sij noco' man Diose me síi ran' sayuun yo', nē sese a'ne' sa' guee rá síi ran' sayuun yo' gā suun tucuáá rihaan ru'vee, gaa nē cunaj uxrá 'yaj so' ni'yaj Diose adonj.

20 Dan me se síi tumé ya cacun' ro', vaa che'é cayuun so', nē ndā' se ca'vee ca'ne' guee rá so' ayuun so' do', ran' so' sayuun do', tzaj nē se cataj ní' se vaa cunaj 'yaj so' ran' so' sayuun a ma'. Mān che'é cacun' tumé so' me ayuun so' nānж á. Tzaj ne síi inañj se sa' 'yaj me se sese ca'ne' sa' guee rá so' quiran' cachrij so' sayuun che'é Diose, nē cunaj uxrá qui'yaj so' nānж á. 'Q se Diose ro', me síi nāru'vee nu' sayuun quiran' so' che'é so' nānж adonj. **21** 'Q se canacúún Diose man ní' canoco' ní' man so' nē quiran' ní' sayuun adonj. Tanānж Jesucristó, tzaj nē quiran' so' sayuun che'é ní', nē ca'ne' sa' guee rá so' gaa quiran' so' dānj adonj. Dan me se ndāa rá se vaa ca'ne' rá Jesucristó gaa quiran' so' sayuun che'é ní' ro', dānj gaa guee ca'ne' rá ní' quiran' ní' sayuun, rá so' ei. **22** Nē Jesucristó me se a 'ó nana nē do', a 'ó cacun' do', ne nari' ní' tu'va so' mei. **23** Ca'mii chree yuvij che'é so', tzaj nē ne ca'mij chree so' che'é niж yuvij ma'. Quiran' so' sayuun, tzaj nē ne ca'mij so' nana quij ma'. Tanānж guun rá so' se vaa Diose síi a'ne' nica

cacun' che'é ní' ro', so' me síí ca'né¹ cacun' che'é so' vaa güii a. ²⁴ Cacun' tumé ní' ro', nata' xráá Jesucristó gaa cavi' so' rihaan rcutze, che'é rej ca'né¹ rá ní' ga suun 'yaj cacun' nē inanj tucuáán sa' canoco¹ ní' a. Nē che'é se go' nii xráá so' ro', che'é dan nahuun sa' nimán soj a.

²⁵ Dan me se ase vaa matzinj cha'nuu rco' ro', vaa soj gaa naá, nē ne canoco¹ soj man Diose gaa naá, tzaj ne yaj ro', canicaj nimán soj, ne guun che'ē soj canoco¹ soj man Jesucristó, nē ase vaa síí ve'é ndo'o tumé daán matzinj ro', dānj vaa so' ga soj cuano, nē ve'é nicaj yu'unj so' man soj cuano ei. Dan me se so' me síí uun chij rihaan nimán soj cuano chuguānj.

3

Nana nihánj taj xna'anj daj qui'yaj yuvii ga nica yuvii a

¹ Ase vaa no xcúún mozó cuno¹ mozó rihaan se-ru'vee¹ mozó ro', dānj vaa no xcúún soj chanā cuno¹ soj rihaan nica¹ soj á. Gaa nē ca'vee se na'vej rá nica¹ ta'aj soj cuno¹ nij so' se-nanā Diose, tzaj nē che'é se ve'é ndo'o 'yaj soj rihaan nica¹ soj ro', che'é dan guun rá nica¹ soj canoco¹ nij so' man Diose ga soj chuguānj. Dan me se ca'vee se sē guun rá nica¹ soj ca'mii¹ natáj soj rihaan nij so', tzaj nē che'é se ve'é ndo'o 'yaj ma'an soj, che'é dan guun rá nica¹ soj canoco¹ nij so' man Diose ei. ²Dan me se xcāj nij so' cuentá se vaa chanā aráj cochroj rihaan nica¹ me soj, nē nuveé chanā nihā' rá me soj a. ³Sē caráya'ānj ndo'o soj chanā che'é rej niqee sa' soj ma'. Sē nanó rá soj che'é rej daj gaa yuvé raq soj

do', che'é caquií canoco' xréé soj do', che'é ticuu cunuû chihá soj do', che'é yatzíj tu'vee cunuû soj do' ma'. Se guun rá soj se vaa ve'é gaa soj qui'yaj rasuun danj ma'. ⁴Dan me se xcaj soj cuentá che'é nimán ma'an soj che'é rej gaa sa' nimán soj á. 'Q se ve'é gaa nimán soj, ne dínj gaa nimán soj, ne nimán soj me se daj chihaa míj se quiri' yo' ma'. Ne ve'é gaa soj, gaa ne caran' rá Diose nilyaj Diose man soj adonj. ⁵Danj qui'yaj nij chanq canoco' man Diose cumán gaa naá, ne nucuaj rá nij no' man Diose, ne ve'é cuno nij no' rihaan nicá nij no', che'é rej ve'é gaa nij no' a. ⁶Ne danj qui'yaj chanq cu'naj Sará, ne ve'é cuno no' rihaan nicá no' síí cu'naj Abraham, ne: "Síí chij", cataj no' ni'yaj no' man so'a. Dan me se sese sa' inanj qui'yaj soj, ne sese a'ó xco' se cuchu'vi' soj, gaa ne guun soj ta'nij si'nó níí cu'naj Sará uún chuguaj.

⁷ Ne tananj soj sno'o uún, ne xcaj soj cuentá me se achiin man nicá soj, ne ve'é cayáán soj gá no' ei. Xcaj soj cuentá se vaa nucuaj soj doj rihaan no', ne che'é dan ve'é qui'yaj soj gá no' á. Ne xcaj soj cuentá se vaa 'o cuyaqan cayáán chanq rihaan Diose nu' cavii nu' ca'anj a. Sese ve'é qui'yaj soj, ne se guun vij rá soj gaa achiín ni'yaj soj rihaan Diose ma'.

Nanq nihánj taj xna'anj se vaa ndaq se quiran' nij síí 'yaj se sa' sayuun cuano, tzaj ne vaa güii cavii sa' uxrá nij so'a

⁸ Daj yo'ó nanq cataj xna'anj 'unj rihaan soj, ne dan me se cuyaqan gaa nimán taran' soj gá tuvi' soj, ne dan me se ase 'ee rá soj tinúú a'ngaa soj ro', danj gaa 'ee rá soj man tuvi' soj yo'ó nij síí amán

rá ni'yaj man Jesucristó á. Räcuíj soj man niij síí ran' sayuun, nē gaaq nica' nimán soj ei. ⁹ Ca'vee se qui'yaj chi'ii yuvii man soj, tzaj nē se qui'yaj chi'ii soj man niij yuvii ma'. Ca'vee se ca'mii chree yuvii che'é soj, tzaj nē se ca'mii chree soj che'é niij yuvii ma'. Tananj ve'é ca'mii soj gaa niij yuvii ei. 'Q se canacúún Diose man soj, che'é rej qui'yaj soj danj, gaa nē ca'vee ca'mii luj Diose che'é ma'an soj chuguanj. ¹⁰ 'Q se nana nihánj nó rihaan danj Diose, taj yo' se vaa: "Sese me rá yo'o so' guun niha' rá so' cayáán so', nē sese me rá so' cavii sa' so', nē se ca'mii so' nana nij se ca'mii so' nana nē se ca'mii so' nana chree do' ma'. ¹¹ Naxuun so' man so' rihaan suun chi'ii, nē inanj se sa' qui'yaj so' á. Dan me se nano' ndo'o so' rej ca'vee cayáán dínj so' gaa tuvi' so', nē yo'o canoco' so' man chrej dínj yo' a. ¹² 'Q se ni'yaj ndo'o Diose daj ran' niij síí vaa sa', nē nanó xrej Diose nu' nana achiín ni'yaj niij so' rihaan so', tzaj nē taj ri'yunj Diose ni'yaj Diose man niij síí 'yaj chi'ii a", taj nana nō rihaan danj Diose a.

¹³ Ne se guun rá yuvii qui'yaj chi'ii yuvii man soj, sese siij nihá' rá qui'yaj sa' me soj ma'. ¹⁴ Tzaj nē ca'vee se quiran' soj sayuun che'é se siij vaa sa' inanj me soj, tzaj nē vaa che'é guun niha' rá soj chuguanj. 'Q se vaa güii cavii sa' soj adonj. Che'é dan se nanó rá soj, nē se cuchu'vi' soj che'é se vaa qui'yaj yuvii man soj ma'. ¹⁵ Caraqa cochroj soj ni'yaj soj man Jesucristó siij 'nij ra'a man ni' ei. Xcaj soj cuentá daj gaaq ca'mii soj gaa me ma'an síí xná'anj man soj me che'é me guun rá soj se vaa cavii sa' soj qui'yaj Diose vaa güii a. ¹⁶ Ve'é natá' soj rihaan niij síí xná'anj man soj, nē se naqui'yaj xta'

soj nimán soj asa' nata' soj se-naná Diose ma'. A 'ó xco' se qui'yaj soj cacun' ma'. Gaa ne niж sii nachri' ni'yaj man soj sij nocó' man Jesucristó che'é se ve'é inanj 'yaj soj me se gun na'aj niж so' che'é naná quij tu'va ma'an niж so' adonj. ¹⁷ Ne sese ca'vej rá Diose ne sese quiran' ni' sayuun che'é se qui'yaj sa' ni', ne cunaj quiran' ni' sayuun ei. Tzaj ne sese maqan che'é se qui'yaj ni' cacun' ne quiran' ni' sayuun, ne niж uxrá vaa quiran' ni' sayuun gaa ei.

¹⁸ Tzaj ne Jesucristó me se nda' se taj cacun' tumé so', tzaj ne gaa cachéé so' rihaan chumii nihánj, ne quiran' ndo'o so' sayuun che'é cacun' tumé ni' sij tumé cacun', che'é rej ca'vee nuci'i ni' rihaan Diose chuguaj. Dan me se cavi' maqan nee man Jesucristó, tzaj ne cunuu i'na' nimán so' adonj. ¹⁹ Gaa ne ca'anj so' ca'mij natáj so' rihaan niж naná chree 'nij taga' rmij' a. ²⁰ Ne niж naná chree me se ne ca'vej rá niж so' cuno niж so' rihaan Diose gaa naá gaa cayáán sii cu'naj Noé adonj. Dan me se Noé me se 'yaj so' rihoo ne a'mii natáj so' se-naná Diose se vaa caman' uxrá, tzaj ne ne cuchumaná rá niж yuvij ma'. Tzaj ne caráj x'naa Diose che'é niж yuvij, ne na'vij ndo'o Diose canicaj nimán niж so', tzaj ne ne canicaj nimán niж so', ne canó xraá niж so' gaa ca'na' na ya'anj a. Ne daj yo'ó tunj guee yuvij catúj rque rihoo, ne quinanii niж so' rihaan na ya'anj, qui'yaj na yo' nanj adonj. ²¹ Ne veé na me se 'yaj nanii ni' rihaan sayuun yo'yaj ei. Na ata' ne ni' me yo' chuguaj. Nuveé che'e rej guun rá ni' güej nacaj xraá ni' cata' ne ni' ma'. Che'é rej cataj ni' rihaan Diose se vaa guun rá ni' se vaa navij chrej chi'ii uun chij nimán ni' ne inanj se sa' guun

rá ní' qui'yaj ní' rej rihaan ní' me se che'é dan cata'
ne ní' adonj. Né inaqj che'é se cunuu i'nä' uún Jesucristó gaa cavi' so' ro', che'é dan ca'vee quinanii
ní' sij cata' ne rihaan sayuun chuguanj. ²² Dan
me se quisij cunuu i'nä' uún Jesucristó, gaa né
quinan' so' rej xta', né x'núú Diose rej nuva' Diose
yáán so' cuano, né uun chij so' rihaan cunudanj
nij se-mozó Diose do', rihaan nu' nij nanq uun chij
rihaan nij rasuun män rihaan chumij nihánj do',
rihaan yo'ó nij sii män rej xta' adonj.

4

*Nanq nihánj taj xna'anj daj qui'yaj ní'yaj che'é se
nichrūn' ca'nä' uún Jesucristó rihaan chumij nihánj
a*

¹ Dan me se che'é se quiran' ndo'o Jesucristó
sayuun gaa me so' yuvij ro', che'é dan no xcúún
soj ca'nej nucuaj soj nimán soj, gaa né ca'vee gun
nucuaj soj rihaan sayuun quiran' soj ei. Ne'en
soj se vaa sii quiran' nee sayuun che'é Diose me
se daj chihqä míj se qui'yaj canaan cacun' rihaan
so' ma'. ² Dan me se doj güii quinaj cayáán so'
rihaan chumij nihánj me se se qui'yaj uún so' me
ma'ñ se nij me rá nee man so' qui'yaj so' ma'.
Tanaqj qui'yaj so' ndaq vaa me rá Diose qui'yaj
so' ei. ³ Dan me se gaa naá me se ya qui'yaj ndo'o
soj nu' nij rasuun nij ndaq vaa me rá nij sii yanij
chuguanj. Dan me se cachéé soj chrej chi'ii do',
chrej a'mii ga chanq niha' rá do', chrej uun xno
do', chrej a'mii chre' do', yo'ó nij chrej chi'ii do',
'yaj soj chuguanj. Né na'víj soj rihaan ya'anj cacój
yuvij ndaq vaa na'vej rá Diose qui'yaj soj ei. ⁴ Tzaj
né yaj me se ca'ne' rá soj ga suun chéé ga nij sii

chi'ii nē 'yaj ndo'o se niж g̃a niж so' chuguānj. Che'é dan yaж me se ma'anj rá niж so' ni'yaj niж so' man soj, nē a'mii chree niж so' che'é soj cuano ei. ⁵ Tzaj nē aj nicun' chruun Jesucristó ca'nē' so' cacun' che'é niж síí vaa i'nā' do', che'é niж síí cavi' do', nē niж síí chi'ii yo' ro', no xcúun niж so' nata' niж so' rihaan Jesucristó che'é nu' niж se chi'ii qui'yaj niж so' ei. ⁶ Maqan che'é dan me ca'mii natáj Jesucristó se-nana Diose nana sa' ndaa rihaan niж síí cavi', che'é rej nda' se quiran' niж so' sayuun g̃a yo'ó niж yuvij che'é cacun' qui'yaj niж so' rihaan chumij nihánj, tzaj nē ca'vee cayáán nimán niж so' rihaan Diose nu' cavii nu' ca'anj a.

⁷ Nichrun' un' ca'qanj ni'yä chumij nañj ei. Che'é dan gaa chij inaqnj rá soj, nē yo'o xcaj soj cuentá, gaa nē ca'vee cachinj ni'yaj soj rihaan Diose chuguānj. ⁸ Nē suun sa' nocoo doj qui'yaj soj me nihánj, nē gaa 'ee rá soj man tuvi' soj niж síí amán rá ni'yaj man Jesucristó, nē sese 'ee rá ní' tuvi' ní', gaa nē quinavij ndo'o niж cacun' tumé tuvi' ní', qui'yaj ní' adonj. ⁹ Ca'vej soj caran' tuvi' soj síí amán rá ni'yaj man Jesucristó ve'tucuá soj, nē go' soj se chá chä niж so', nē se guun cataj soj se vaa sayuun uxrá vaa 'yaj soj dñj ma!. ¹⁰ Dan me se qui'yaj Diose se luj che'é 'o 'o ní', rqué Diose suun rihaan 'o 'o ní' qui'yaj suun ní' che'é tinúú ní', nē ino doj vaa suun 'yaj suun 'o 'o ní' che'é tinúú ní', nē che'é dan no xcúun soj räcuíj soj man tinúú soj, ndaa vaa uun nucuaj soj chuguānj. ¹¹ Sese ca'mii natáj yo'o tuvi' soj, nē yo'o cunuû rá so' se vaa se-nana Diose me niж nana a'mii natáj so' á. Sese qui'yaj suun yo'o tuvi' soj che'é soj, nē qui'yaj so' nu' ndaa vaa guun

nucuaj so' qui'yaj so' qui'yaj Diose á. Gaa ne ca'vee ca'mii sa' yuvii che'é Diose ni'yaj nij yuvii man soj sij nocoo' man Jesucristó ei. Ne Diose me se nu' cavii nu' ca'anj ca'mii sa' ni' che'é so', ne guun chij ndo'o so' adonj. Veé dānj gaa ya ei.

Nanq nihánj taj xna'anj se vaa se nanórá ní' che'é sayuun ran' ní' a

¹² Se ca'anj rá soj che'é sayuun quiran' soj, man tinuj, man nocoj. Ya quiran' ndo'o soj sayuun, che'é rej ca'vee xcāj soj cuentá sese sij amán ya rá ni'yaj man Diose me soj chuguanj. Ne se guun rá soj se vaa orún' soj me síi ran' sayuun ma'. ¹³ Maqan se guun niha' rá soj che'é se ase quiran' Jesucristó sayuun ro', dānj vaa ran' guee soj gā so', gaa ne güii ca'na' uún so' guun chij so' rihaan chumií nihánj me se ca'vee guun niha' doj rá soj ei. ¹⁴ Sese nachri' yuvii ni'yaj yuvii man soj che'é se sij nocoo' man Jesucristó me soj, ne vaa che'é guun niha' rá soj adonj. 'Q se yanq Nimán Diose gā soj, ne uun chij ndo'o Nimán Diose ei.

¹⁵ A 'ó soj se guun síi ticavi' yuvii do', síi ituu do', síi chi'ii do', síi tiguíj man do' ma'. Tadó soj ei. Vaa che'é quiran' síi vaa dānj sayuun ei. ¹⁶ Tzaj ne sese quiran' yo'q tuvi' soj sayuun che'é se sij nocoo' man Jesucristó me soj, ne taj che'é guun na'aj so' ma'. Tanqanq che'é se sij nocoo' man Jesucristó me soj ro', che'é dan cataj soj se vaa sa' vaa Diose a. ¹⁷ 'Q se yaj me se aj guun che'e Diose ca'ne' Diose cacun' che'é ni' sij tucuq Diose a. Che'é dan ne'en ni' se vaa nij doj quiran' nij síi na'vej rá cuno se-nanq Diose nanq sa' asa' ca'ne' Diose cacun' che'é nij soj chuguanj. ¹⁸ 'Q se danj Diose taj: "Nanq síi nocoo'

ndo'o man Diose, tzaj n̄e sayuun ndo'o quinanii
nij so' rihaan sayuun, n̄e táá q̄ nij síí ne nocō'
man Diose do', táá q̄ nij síí chi'iij do', n̄e ca'q̄anj ya
nij so' rihaan ya'an ei". Dānj taj nanq̄ n̄o rihaan
danj Diose a. ¹⁹ Che'é dan xa' soj sij ran' sayuun
ndq̄aa vaa me rá Diose quiran' soj, tzaj n̄e yo'q̄ inanj
qui'yaj sa' soj, n̄e dan me se ca'vej rá soj n̄icaj
yu'unj Diose man nimán soj á. 'Q se Diose me síí
qui'yaj man soj, n̄e vaa che'é gaa nucuaj rá soj man
so' ei.

5

*Nanq̄ nihánj taj xna'anj che'é chrej narqué Pedró
rihaan nij síí cuchumán rá ni'yaj man Jesucristó a*

¹ Rihaan soj sij chij n̄icaj yu'unj man nij síí nocō'
man Jesucristó mān daj q̄ chuman' ca'mij cuano
a. 'Q se síí chij mé 'unj ga soj, n̄e síí quene'en
sayuun se vaa quiran' Jesucristó mé 'unj, n̄e dan
me se ve'é guun chij 'unj ga Jesucristó asa' ca'na'
uún so' rihaan chumij nihánj, raj a. ² Ase vaa n̄icaj
yu'unj yuvij man matzinj ro', dānj gaa ve'é n̄icaj
yu'unj soj man nij síí nocō' man Diose ndq̄aa vaa
ca'ne' Diose suun rihaan soj á. Se naqui'yaj 'ee
soj man soj rihaan suun yo' ma'. Māq̄an se ve'é
qui'yaj suun soj che'é Diose ei. Ne se guun inanj
rá soj qui'yaj canaán soj che'é suun 'yaj soj ma'.
Tanañj gaa niha' rá soj che'é ma'q̄an suun yo' ei.
³ Ne se guun niha' rá soj quirii ta'nga' soj rihaan
nij síí nocō' man Jesucristó ma'. Inanj ve'é qui'yaj
suun soj ga nij so', n̄e quene'en nij so' daj qui'yaj
soj, gaa n̄e xcāj nij so' cuentá daj qui'yaj ma'q̄an
nij so' uún a. ⁴ Gaa n̄e asa' curuvi' Jesucristó síí
n̄icaj yu'unj man taran' ní' sij n̄icaj yu'unj man nij

síí nocó' man Jesucristó me se ca'na' 'o cachriin corona sa' inanj cunuû raq ní', qui'yaj so', ne dan me se nu' cavii nu' ca'anj ve'é ndo'o gaa ní', qui'yaj Jesucristó chuguanj.

⁵ Tananj soj sij tachruu, ne cuno soj rihaan niж chij, ne veé dan me taran' soj me se naqui'yaj nica' soj nimán soj rihaan tuvi' soj á. 'Q se naná nihánj nó rihaan danj Diose, taj yo' se vaa: "Aráán Diose chrej rihaan niж síxta' nimán se cavii sa' niж so', tzaj ne 'yaj Diose se luj che'é niж síniça' nimán a", taj nana yo' a. ⁶ Che'é dan me yo'o naqui'yaj nica' soj nimán soj rihaan Diose síí nucuaj ndo'o, ne cuno soj rihaan so', gaa ne vaa güii, ne cavii sa' soj, qui'yaj so' adonj. ⁷ A ó xco' se nanó rá soj ma'. Diose ro', me síí nanó ndo'o rá daj ran' soj, ne che'é dan me 'o gaa nucuaj rá soj man so' ei.

⁸ Gaa sca' rá soj, ne tumé soj man soj daj qui'yaj soj ei. 'Q se vaa síí taj ri'yunj ni'yaj man soj, ne síí chreé me so', ne ase 'yaj chuvaq aguáj chéé nano' xcuu chä ro', dñanj 'yaj síí chreé, chéé so' nano' so' man síí ca'vee tirí' so' man chuguanj. ⁹ 'Q raan canoco' soj man Diose, ne daj chihäq míj se cuno soj rihaan síí chreé mei. Xcaj soj cuentá se vaa ase vaa sayuun ran' soj ro', dñanj vaa gueé sayuun ran' taran' niж síí nocó' man Jesucristó män rihaan chumij nihánj chuguanj. ¹⁰ Dan me se Diose ro', me síí 'yaj daj a se luj che'é soj, ne so' me síí canacúún man soj cavii sa' uxrá soj ga so' nu' cavii nu' ca'anj che'é Jesucristó, ne asa' quisíj quiran' soj sayuun doj güii rihaan chumij nihánj, gaa ne cune' sa' Diose man soj, ne naqui'yaj sca' so' man soj, ne gaa nucuaj inanj rá soj, qui'yaj so' adonj.

11 Né guun chij ndo'o Diose nú' cavii nú' ca'anj, né daj a güii ve'é cayáán so' nañj adonj. Amén.

*Nanä nihánj taj xna'anj se vaa ve'é cayáán nij síí
ca'anj yanj cartá nihánj rihaan, rá nij tuví' Pedró a*

12 Veé danj síj natá' 'unj doj nij nanä no rihaan yanj nihánj, né tinú' Silvano me síí cachrón se-nanaj rihaan yanj nihánj, né dan me se tinúú ní' síí nucuaj rá ní' man me so', né dan me se nanä nihánj me se narquej chrej nucuaj rihaan soj, né cataj xna'anj 'unj rihaan soj se vaa tucuáán noco' ní' ro', ma'an ya tucuáán yo' me rej 'yaj Diose se luj che'é ní' chuguānj. Raan canoco' soj tucuáán yo' ei. **13** Dan me se nij tinúú ní' síí man chuman' nihánj chuman' cu'naj Babilonia ro', me rá nij so' se vaa ve'é cuman soj a. Narii Diose man nij so' ga soj canoco' taran' nij soj man Diose, né vaa tinú' Marcos, né ase vaa 'o ta'níj ro', vaa so' rihanj, né ve'é cayáán soj, rá so' uún a.

14 Ve'é uxrá ca'mij soj nanä luj ga tinúú soj síí amán rá ni'yaj man Jesucristó gaa nari' tuvi' soj á.

Ne me ndo'o rá 'unj gaa xej nimán cunudanj soj sij noco' man Jesucristó qui'yaj Diose nañj chuguānj.

Se-nānā Diosē nanā sā' me rá catūū nimán ní'
a
**New Testament in Triqui, Copala (MX:trc:Triqui,
Copala)**

copyright © 1987 Wycliffe Bible Translators, Inc.

Language: Triqui, Copala

Translation by: Wycliffe Bible Translators, Inc.

Triqui, Copala [trc], Mexico

Copyright Information

© 1987, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Triqui, Copala

© 1987, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
3a8f2838-fe9f-5490-8d78-a7bbffddab871